

21-21/18-3-3/11230

07.12.2020 йил

«Т А С Д И Қ Л А Й М А Н»

**Ўзбекистон Республикаси Бош вазирининг
Тадбиркорлар мурожаатларини кўриб чиқиш
қабулхоналари фаолиятини ташкил этиш
ва мувофиқлаштириш котибияти мудир**



А.Алламурадов

2020 йил « 4 » декабрь

**Ўзбекистон Республикаси Вазирлар Маҳкамасига республиканинг турли
худудларидан келган (жами 25 нафар) тадбиркорларнинг 2015-2016 йилларда
инвестиция дастурлари асосида чет эл (АҚШ доллари) валютасида
«совутгич»лар қуриш учун олинган банк кредитларини қайтаришда юзага
келаётган муаммоларни ҳал этиш масаласида қилинган мурожаатларини
ўрганиб чиқиш бўйича Ишчи гуруҳ йиғилиши
Б А Ё Н И**

2020 йил 1 декабрь

1 - сон

Тошкент шаҳри

Раислик

килувчилар:

- А.Алламурадов - Ўзбекистон Республикаси Бош вазирининг
Тадбиркорлар мурожаатларини кўриб чиқиш
қабулхоналари фаолиятини ташкил этиш ва
мувофиқлаштириш котибияти мудир
- Б.Абубакиров - Ўзбекистон Республикаси Марказий банки
раиси ўринбосари

Қатнашганлар:

Ўзбекистон либерал-демократик партияси,
Олий суд, Бош прокуратура ҳузуридаги
Мажбурий ижро бюроси, Адлия вазирлиги,
Иктисодий тараққиёт ва камбағалликни
қискартириш вазирлиги, Молия вазирлиги,
Савдо-саноат палатаси, «Асака банк» АТБ,
«Ўзсаноатқурилишбанк» АТБ, «Халқ банки»
АТБ, «Қишлоқ қурилиш банк» АТБ,
«Туронбанк» АТБ, «Миллий банк» АЖлари
масъул вакилларида иборат Ишчи гуруҳ
аъзолари

КУН ТАРТИБИ:

**Ўзбекистон Республикаси Бош вазирининг ўринбосари Ж.А. Қўчқоровнинг
2020 йил 16 октябрдаги 02/18-3-3/11230-сон топшириғи ижросини
таъминлаш ҳамда Ўзбекистон Республикаси Вазирлар Маҳкамасига
2020 йил 9 октябрь куни республиканинг турли худудларидан келган
(жами 25 нафар) тадбиркорларнинг чет эл валютасида (АҚШ доллари)
олган банк кредитларини қайтаришда юзага келган муаммоларни**

Ўрганиш, мурожаатларини кўриб чиқиш ва қонуний ҳал этиш чора-тадбирларни белгилаш тўғрисида

(Алламурадов, Абубакиров, Қудратов, Гафуров, Комилов, ... Алламурадов)

Йиғилишни Ўзбекистон Республикаси Бош вазирининг Тадбиркорлар мурожаатларини кўриб чиқиш қабулхоналари фаолиятини ташкил этиш ва мувофиқлаштириш котибияти мудир А.Алламурадов очиб, 2020 йил 9 октябрда Ўзбекистон Республикаси Вазирлар Маҳкамасига республиканинг турли ҳудудларидан келган (жами 25 нафар) тадбиркорларнинг 2015-2016 йилларда инвестиция дастурлари асосида чет эл (АҚШ доллари) валютасида «совутгич»лар қуриш учун олинган банк кредитларини қайтаришда юзага келаётган муаммолар ва уларни ҳал этиш масаласида қилинган мурожаатлари мазмуни билан йиғилиш қатнашчиларини таништирди.

Шундан сўнг, Ўзбекистон Республикаси Марказий банки раисининг ўринбосари Б.Абубакировга сўз берилди. Б.Абубакиров мазкур мурожаатларни кўриб чиқиш жараёнида тижорат банклари ҳам тадбиркорлик субъекти ҳисобланиши, тадбиркорлик эса тадбиркорлик фаолияти субъектлари томонидан қонун ҳужжатларига мувофиқ амалга ошириладиган, ўзи таваккал қилиб ва ўз мулкий жавобгарлиги остида даромад (фойда) олишга қаратилган ташаббускорлик фаолияти ҳисобланиши тўғрисида маълумот бериб ўтди. Шунингдек, мазкур мурожаат қилган тадбиркорларга тижорат банклари томонидан шартнома муддатлари ва олинган кредит фоизларини тўлаш муддати бир неча бор узайтириб берилганлиги, мазкур тадбиркорлик субъектларига хорижий валютада олинган кредит шартномаларида белгиланган фоиз ставкасининг 50 фоизи миқдорида компенсация пуллари Тадбиркорлик фаолиятини қўллаб-қувватлаш жамғармаси томонидан тўлаб берилганлиги айтиб ўтилди. Бундан ташқари, «Таган мевалари Нур» МЧЖ раҳбари Р.Мухаммадиевнинг мурожаатига асосан «Асака банк» АТБ томонидан шартномада белгиланган тўлов муддатини узайтириш ижобий ҳал этилиши ҳамда бошқа тадбиркорларнинг ҳам мазкур масалада тижорат банклари тўғридан-тўғри мурожаат этиши мумкинлиги маълум қилинди.

Мисол тарзида йиғилиш қатнашчиларига «Рухсат-Шахноза» ХК раҳбари Ш.Қудратовнинг мурожаати ўқиб эшиттирилди ва бир неча бор қилинган мурожаатлари натижасида «Қишлоқ қурилиш банк» АТБ томонидан кредит муддати қўшимча 7 йилга (жами - 12 йил) узайтириб берилганлиги, ҳозирда 14 минг АҚШ доллари миқдорида кредит суммаси қопланганлиги, бугунги кундаги жами қарздорлиги (ҳисобланган фоизлари билан бирга) 28 438 АҚШ долларини ташкил этиши маълум қилинди.

Шундан сўнг Олий суд вакили Қ.Комилов сўзга чиқиб, банк билан тадбиркорлик субъектлари ўртасида кредит шартномалари билан боғлиқ ишлар бўйича суд амалиёти, норозиликлар юзага келса, судларга даъво аризалари билан мурожаат этиш ёки кассация бериш тартиби тўғрисида тушунча берилди.

Барча йиғилган тадбиркорларнинг вакили сифатида сўз «Рухсат-Шахноза» ХК раҳбари Ш.Қудратовга берилди. Ш.Қудратов ҳамда иштирок этаётган бошқа

тадбиркорлар Ишчи гуруҳ аъзоларига қуйидаги масалаларни ҳал этиб беришни сўраб мурожаат қилди:

биринчидан, кредит шартномаларида белгиланган фоизлар пул ажратилган санадан эмас, шартнома имзоланган вақтдан бошлаб ҳисобланганлиги ва аксарият ҳолларда кредит пуллари шартнома имзоланганидан сўнг камида бир ойдан сўнг ажратилганлиги сабабли тижорат банклари билан имзоланган кредит шартномасининг тегишли бандига илова қилинган тўлов графигини қайта кўриб чиқиш;

иккинчидан, тижорат банклари билан тузилган шартномаларда «совутгич»лар билан боғлиқ тадбиркорлик фаолиятига кредит олган тадбиркорлардан бизнес-режада кўрсатилган шартлар асосида кредит фоизларини факат ишлаган даври учун талаб қилинишида ва ишламаган даврида кўрсатилган гаровни дахлсизлигини таъминлашда амалий ёрдам бериш;

учинчидан, Ўзбекистон Республикаси Президентига ахборот бериб, мобил алоқа операторлари каби девальвациядан аввалги валюта курсида (1 АҚШ доллари-4210 сўм миқдорида) қолган кредит қарздорлигини миллий валютада тўланишига розилик олиш;

тўртинчидан, йиғилган Ишчи гуруҳ таркибига Президент Администрациясининг масъул вакиллари кириштириш ва масалани давлат раҳбари назоратида қўйилишида амалий ёрдам бериш;

бешинчидан, савдо – саноат палатасига тўланаётган аъзолик бадаллари тўланган бўлсада, тадбиркорларни ҳимоя қилиш ва судга даъво аризаси киритилишида амалий ёрдам сўралганида тижорат банклари ва бошқа тадбиркорлик субъектлари мурожаатларига тенг ёндашув таъминланишида амалий ёрдам бериш;

олтинчидан, олинган кредитларни расмийлаштириш даврида гаровга қўйилган мулкларни ҳозирги кундаги валюта курсида қайта баҳолашга рухсат бериш ва мурожаатга расмий жавоб олингунига қадар судга даъво аризаси киритмай туриш кабилар.

Кун тартибидаги масалалар юзасидан йиғилиш қатнашчиларининг билдирилган фикр-мулоҳаза ва таклифларини атрофлича муҳокама қилиб,

Қ А Р О Р Қ И Л А Д И :

1 Ўзбекистон Республикаси Марказий банки раисининг ўринбосари Б.Абубакировнинг Ўзбекистон Республикаси Бош вазирининг ўринбосари Ж.Қўчқоровнинг 2020 йил 16 октябрдаги 02/18-3-3/11230-сон топшириғи ижросини таъминланиши юзасидан ахбороти маълумот учун қабул қилинсин.

2. Ўзбекистон Республикаси Молия вазирлиги (Насритдинхожаев) Ўзбекистон Республикаси Марказий банки (Абубакиров) билан биргаликда:

2020 йил 14 декабрга қадар Ўзбекистон Республикаси Президентининг «Валюта сиёсатини либераллаштириш бўйича биринчи навбатдаги чора-тадбирлар тўғрисида» 2017 йил 2 сентябрдаги ПФ-5177-сон Фармони қабул қилинишидан аввал тижорат банкларидан хорижий валютада кредит олган ва

ҳозирги кунга қадар кредит тўловларидан қарздорлиги мавжуд тадбиркорлар рўйхатини ва қарздорлиги миқдорини аниқлаб, уларнинг қарздорлиги миқдорини таҳлил қилиш, тўпланган материаллар асосида Вазирлар Маҳкамасига банклар кесимида асослантирилган таклиф ва таҳлилий маълумотнома киритилиши;

2020 йил 15 декабрга қадар хорижий валютада 2017 йил 2 сентябргача кредит олган ва ҳозирги кунга қадар кредит тўловларидан қарздорлиги мавжуд тадбиркорларнинг гаров сифатида кўрсатилган мол-мулкларини қайта баҳолаш масаласини ўрганиб чиқиб,

2020 йил 15 декабрга қадар кредит шартномаларида белгиланган фоизлар пул ажратилган санадан эмас, балки шартнома имзоланган вақтдан бошлаб ҳисобланиш сабабларини ўрганиб, тўлов графикларини қайта кўриб чиқиб, мурожаатчиларнинг масалаларини қонуний ҳал қилиш юзасидан Вазирлар Маҳкамасига асосланган таклифлар киритилишини таъминласин.

Баён юритувчи

Э.Аширбаев